

簡
莊
疏
記

衡莊疏記卷九

海寧陳繼誥

禮記

曲禮云若夫注言若欲爲丈夫也春秋傳曰是謂我非夫釋
文夫方于反按夫讀如字若夫者與上賢者及下文是以
君子是故聖人句法同引春秋傳者宣十二年先穀曰聞
敵強而退非夫也又哀十一年武叔曰是謂我不成丈夫
也二傳合并舉之蓋丈夫固有單稱夫也後儒以若夫二
字作虛字解

劉原父云若夫坐如尸立如齊乃大戴記曾子事父母篇之
辭若夫二字失予刪去總謂二戴之文各有所當小戴亦

不至失剛且鄭君豈不知之而爲是注乎

嬰母能言不離飛鳥釋文嬰本或作鸚母本或作鸚同音武諸葛恪茂后反按吳志諸葛恪傳引江表傳云恪曰鳥名鸚母未必有對試使輔吳復求鸚父恪未嘗作禮記音陸葢本此事以擬其音也說文云鸚鸚鸚能言鳥也鸚鸚鸚也北戶錄云字林鸚作鸚玉篇云鸚同鸚唐書狄仁傑傳云鸚者陛下之姓起二子則兩翼振矣則其字从俗作鸚矣

猩猩能言不離禽獸釋文禽獸盧本作走獸按盧本是也此與上飛鳥對言宜作走獸淮南汜論注引此文作走獸孟子云麒麟之於走獸鳳皇之於飛鳥亦曰走獸與飛鳥對

言也

乘安車注安車坐乘若今小車也疏引庾氏云漢世駕一馬而坐乘也又引熊氏云書傳略說云致仕者以朝乘車輪輪按一切經音義引聲類云軒安車也蓋古者乘車皆立婦人不立乘外惟大夫致仕乘安車不立左氏閔二年傳云歸夫人魚軒哀十五年傳云服冕乘軒皆謂安車不立乘也

從於先生注先生老人教學者疏引崔靈恩云凡言先生謂年德俱高又教道于物者按孟子離婁篇云樂正子曰先生何爲出此言也趙注學士年長謂之先生韓詩外傳云古謂之道者曰先生何也猶言先醒也不聞道術之人則

冥于得失眊眊乎其猶醉也故世有先生者有後生者今
偶教學先生蓋本經訓歟

奉席如橋衡注橫奉之令左昂右低如有首尾然橋并上榘
、榘衡上低昂疏席頭令左昂右低如橋之衡衡橫也按公
食禮云莞席尋卷自末注末終也終則尾也此舒席時之
首尾至于奉席時則席已卷而橫奉之略分低昂如橋之
衡故注云如有首尾然陳澧集說云橋高也衡平也竟不
分低昂矣

獻米者操量鼓注量鼓量器名疏引隱義云東海樂浪人呼
容十二石者爲鼓以量米左氏昭二十九年傳云遂賦晉
國一鼓鐵疏引服虔云鼓量名也按說文云科程也从禾

从斗斗者量也此疑鼓科聲近假借近遇朝鮮使臣云彼國至今呼量米爲鼓廣雅云斛謂之鼓管子樞言云金鼓滿則人慨之

介者不拜爲其拜而夔拜注夔則失容節夔猶詐也釋文夔盧本作蹲按夔疑作趯說文云趯走意言著鎧而拜盧作拜容實失儀節故云猶詐也盧作蹲者何注公羊僖三十三年傳云介冑不拜爲其拜如蹲正與盧本台說文云蹲猶踞也釋文引字林云踞古蹲字則本或作夔轉誤爲夔未可知也

立視五雋注雋猶規也謂轉輪之度雋或爲榮疏知雋爲規者以雋規聲相近故爲規規是圓故讀从規按雋規同聲

假借通用故子庸烏亦作子規或作樂亦假借也車輪一周爲規一規爲一丈九尺八寸五規爲九丈九尺六尺爲步蓋視車前十六步半也

大夫曰孺人注孺之言屬按釋言云孺屬也韓非八姦云一日在同牀何爲同牀曰貴夫人愛孺人文選問居賦云左對孺人右抱穉子古無論職官大小其妻通謂之孺人宋宣和時罷縣君改孺人爲第八等而世俗相承不改明邱濬家禮儀節云無官者妣稱某氏夫人不知曲禮諸侯曰夫人其僭越古禮已甚明制一二品方得封夫人則僭越今制尤甚所不解也

醫不三世不服其藥注慎物齊也疏慎物調齊也又說云三

世者一曰黃帝針灸二曰神農本艸三曰素女脈訣又云
夫子脈訣按天官疾醫云以五藥養其病注五藥艸木蟲
石穀也其治合之齊則存乎神農子儀之術云是禮記注
慎物齊者猶言治合之齊指針灸本艸脈訣諸書而言孔
疏既引舊說復云非鄭義過矣漢藝文志云黃帝內經十
八卷外經三十九卷神農黃帝食禁七卷周禮疏引作食
藥卽本艸也

婦人之擊棋注棋枳也有實今邳鄆之東食之疏棋卽今之
白石李也形如珊瑚味甜美按說文云椒穢椒也从禾从
又句聲又者从丑省一曰木名是椒爲正字隸俗作棋古
今注云枳棋子實形拳曲花在實外味甜美如餠蜜一名

白石一名白實一名枳棋

檀弓云華而琬注說者以琬爲刮節目字或爲刮釋文琬明貌孫炎云琬漆也按琬疑琬之誤說文云琬目漆和灰而髹也从土完聲一曰補琬此與孫叔然訓爲漆正合鄭注說者以琬爲刮節目蓋髹物必刮去其木之節目然後施以華采故云牀第華而琬也作刮者亦言其刮摩之光耳子蒲卒哭者呼滅注滅蓋子蒲名按滅爲莫之假借說文云莫火不明也从苜从火苜亦聲周書曰布重莫席織弱席也讀與蔑同今書顧命云敷重蔑席釋文引馬云蔑織弱蓋莫爲織弱弱卽蒲艸初生故字子蒲莫讀與蔑同故書假借作蔑此又假滅爲莫鄭然明名蔑亦假蔑爲莫莫與

明義相對肅不知古人假用同聲之理乃猥曰人少名滅者是奚說哉惟哭呼其名故子皋曰爲野若自謂亾滅斯哭者之常耳

子顯以致命于穆公注使者公子繫也盧氏云古者名字相配顯當作鞬按後漢紀云盧植字子幹涿人也師事扶風馬融與北海鄭元友善此引盧氏說卽其所著禮記解詁也說文云鞬著掖鞬也从革顯聲公子繫字子繫者繫爲絆馬鞬爲馬腹帶所謂名字相配也鞬从顯聲故假借作

顯今書作𠂔者又𠂔之俗體也

般爾以人之母嘗巧則豈不得以注以己字言雖有強使女者與僭於禮有似作機巧非也以與己字本同疏言經中以用之以義是休己之字所以用之以得爲休己之字以其本同謂古昔之本用字本同乃得通用謂其兩字本昔是同故得假借而用後世始以己義異也按訓爲用也之字本作𠂔从反己後世或假象也之𠂔爲之而又易其左右如李斯書繹山碑作𠂔隸變爲𠂔以故鄭注以己字謂當作己蓋隸書己字有作𠂔者故云以與己字本同疏說殊未明暢詳詩疏記

公叔禺人遇負杖入保者息注禺人昭公之子春秋傳曰公

叔務人按左氏昭二十五年傳云公若獻弓於公爲杜注
公爲昭公子務人哀十一年傳云公叔務人注務人公爲
昭公子是務人卽禺人字爲說文云禺母猴屬爲母猴也
名字相配禺務聲近假借耳

工尹商陽與陳棄疾追吳師注工尹楚官名棄疾楚公子棄
疾也以魯昭八年帥師滅陳因縣之楚人善之因號焉至
十二年楚子狩于州來使蕩侯潘子司馬督囂尹午陵尹
喜圍徐以懼吳於是有吳師陳或作陵楚人聲按工尹商
陽疑卽左傳之工尹路商爲禡之假字說文禡道祭蓋名
商陽字路也陳棄疾疑卽左傳之陵尹喜蓋名棄疾字喜
也梁曜北疑以棄疾恐非楚公子棄疾以棄疾是時居蔡

不在軍中也。鱣謂居蔡何不可在軍中不當以此規鄭也。使子路問之。按唐石經作子貢與家語史記孔子世家論衡遭虎篇俱合當據正之。

范則冠而蟬有綏注范蜂也。按內則云爵鵽蜩范注亦云范蜂也。范爲萬之假借。說文云萬蟲也。从苒象形。蓋蜂聚千萬成羣。故假爲數名。廣雅云蜚蜂也。俗字。

假于鬼神時日卜筮以疑眾。敍注今時持喪葬築蓋嫁取卜數文書使民倍禮違制。按論衡辨崇篇云起功移徙祭祀喪葬行作入官嫁娶不擇吉日不避歲月觸見逢神則發病生禍。蓋此卽疑眾之說。王制之所禁也。

有虞氏皇而祭。注皇冕屬也。畫羽飾焉。釋文聖音皇本又作

皇按釋文本作𡔁說文云𡔁目羽翳自翳其首目祀星辰也。从羽王聲。讀若皇。地官舞師云：教皇舞。注鄭司農云：皇舞，蒙羽舞。書或爲𡔁，或爲義。立謂皇析五采羽爲之。春官樂師云：有皇舞。注故書皇作𡔁。鄭司農云：𡔁舞者以羽冒覆頭上，次飾翡翠之羽。𡔁讀爲皇。書亦或爲皇。立謂皇雜五采羽如鳳皇色，持以舞。是先鄭從故書作𡔁與說文合。此言皇而祭亦是雜五采羽爲冕。故注云：畫羽飾，字當作𡔁。

君子耆老不徒行。庶人耆老不徒食。注徒，空也。按說文云：𡔁，步行也。从辵土聲。一切經音義引聲類云：徒，空也。易賁初六云：舍車而徒。集解虞翻曰：徒，步行也。今本注疏作黨也。

非

月令云鴻雁來注雁自南方來將北反其居今月令鴻皆爲候疏月令出有先後入禮記者爲古不入禮記者爲今則呂氏春秋是也按呂氏孟春紀云候雁北高注候時之雁從彭蠡來北過至北極之沙漠也盧學士云仲秋雁自北徼外而入中國可以言來若自南往北非由南徼外也但不可以言來呂氏作候雁北當矣鱣謂夏小正云雁北鄉傳先言雁而後言鄉者何也見雁而後數其鄉也鄉者何也鄉其居也雁以北方爲居何以謂之爲居生且長焉耳今月令正與之合

宿離不貸注離讀如儻偶之儻宿儻謂其屬按讀如者擬其

聲也然古亦通用士冠禮云束帛儷皮注儷皮兩鹿皮也
古文儷爲離蓋儷卽麗之或體說文云麗旅行也鹿之性
見食急則必旅行从鹿丽聲易離彖傳云離麗也序卦傳
云離者麗也正作麗

掩骼埋胔注謂死氣逆生也骨枯曰骼肉腐曰胔釋文胔亦
作𦍋按說文云𦍋鳥獸殘骨曰𦍋𦍋可惡也从骨此聲明
堂月令曰掩骼薶𦍋𦍋或从肉是𦍋爲正字胔爲或體呂
氏孟春紀作拚骼薶𦍋高注𦍋讀水漬物之漬玉篇引聲
類云𦍋此亦胔字

天子乃鮮羔開冰注鮮當爲獻聲之誤也獻羔謂祭司寒也
按呂氏仲春紀作獻羔詩七月云獻羔祭韭左氏昭四年

傳云獻羔而啟之並作獻此作鮮者同聲假借釋山云小山別大山鮮詩皇矣云度其鮮原毛傳小山別大山曰鮮又公劉云陟則在嘯毛傳嘯小山別於大山也嘯卽獻之別字是鮮獻通用

淫雨蚤降注淫霖也雨三日以上爲霖今月令眾雨按呂氏季春紀亦作淫雨高注多沉陰爲淫雨也說文云霖小雨也从雨眾聲明堂月令曰霖雨玉篇云霖職隆切鄭君引今月令作眾者乃霖之省古月令作淫者說文云霖霖雨也南陽謂霖雨曰霖从雨从聲玉篇云霖牛林切霖淫聲近假借也

王瓜生注王瓜草挈也今月令云王荇生夏小正云王荇秀

未聞孰是按呂氏孟夏紀云王菩生高注菩或作瓜瓠瓠也穆天子傳云茅萑郭注萑今菩字音倍夏小正云四月王萑秀蓋萑菩聲近通用今本呂氏春秋作王善字之誤也釋艸云果贏之實栝樓詩疏引李巡云栝樓子名也孫炎云齊人謂之天瓜本艸云栝樓根一名地樓名醫曰一名果贏一名天瓜一名澤姑實名王瓜說文云萑萑萑果萑也从艸昏聲是萑萑爲正字栝樓爲假字瓠瓠爲別字瓜萑聲近

命太尉注三王之官有司馬無太尉秦官則有太尉今俗人皆云周公作月令未通於古疏俗人謂賈逵馬融之徒皆云月令周公所作故王肅用焉按漢書百官表云太尉秦

官應劭曰自上安下曰尉是秦官有太尉也三禮目錄云
名曰月令者本呂氏春秋十二月紀之首章也以禮家好
事鈔合之後人因題之名曰禮記言周公所作其中官名
時事多不合周法所云官名不合蓋指此也釋文引蔡伯
喈王肅云周公所作是因逸周書有時訓解而附會之亦
猶以爾雅爲周公作也

母燒灰注火之滅者爲灰按呂氏仲夏紀作無燒炭高注爲
艸木未成不欲天物說文云炭燒木末灰也从火岸省聲
地官云掌炭掌灰物炭物之徵令以時入注灰炭皆山澤
之農所出也炭之所共尤多合之季秋之月云艸木黃落
乃伐薪爲炭則此當作母燒炭

君子齊戒處必掩身毋躁注躁猶動也今月令毋躁爲欲靜
疏蔡氏云毋躁者躁動也既不顯露又不得躁動宜靜以
安萌陰也按呂氏仲夏紀云君子齊戒處必掩身欲靜無
躁仍出無躁二字蓋非本文矣蔡氏本有無躁與鄭本同
腐艸爲螢注螢飛蟲螢火也疏蔡氏云鳩化爲鷹鷹還化爲
鳩故稱化今腐艸爲螢螢不復爲腐艸故不稱化按呂氏
季夏紀云腐艸化爲蜎高注蜎馬蛇也蜎讀如蹊徑之蹊
幽州謂之秦渠一曰螢火也說文云蠋馬蠋也從虫目益
聲勺象形明堂月令曰腐艸爲蠋蓋呂氏春秋之蜎卽明
堂月令之蠋蠋讀若圭故詩潔蠋亦作潔圭與蹊徑之蹊
聲同呂本化亦衍字

羣鳥養羞注羞謂所食也夏小正曰九月丹鳥羞白鳥說曰
丹鳥也者謂丹良也白鳥也者謂閔蚋也其謂之鳥者重
其養者也有翼爲鳥養也者不盡食也二者文異羣鳥丹
良未聞孰是按今本夏小正八月丹鳥羞白鳥與此注引
作九月不同高注呂氏春秋云寒氣將至羣鳥養進其毛
羽御寒也故曰羣鳥養羞與此注又別

固封疆注謂使有司循其溝樹及其眾庶之守法也今月令
疆或爲璽按呂氏孟冬紀云固封璽高注璽讀曰移徙之
徙璽印封也

水澤腹堅注腹厚也今月令無堅釋文腹本又作複按呂氏
季冬紀云水澤復高注復亦盛也復或作複陳重累也呂

氏本無堅字

曾子問云不假不綏祭注假讀爲嘏不嘏不嘏主人也不綏祭謂今主人也綏周禮作墮按郊特牲云嘏長也大也少牢云嘏於主人詩賓之初筵及卷阿傳云嘏大也此本字也曾子問不假與詩那及烈祖傳云假大也皆以假爲嘏之假借字也綏作墮者春官守祧云旣祭則藏其墮此本字也不綏祭及少牢禮云祝命尸綏祭皆以綏爲墮之假借字也假嘏俱从叚聲綏从安聲安墮同聲故通用

殤不祔祭注祔當爲備聲之誤也疏喪服小記云殤與無後者從祖祔食今云殤不祔祭與小記文乖故知祔當爲備備祔聲相近按易繫辭傳云服牛乘馬說文引作犗牛乘

馬詩谷風云匍匐救之孔子閒居引作扶服救之是備前聲近也

公館與公所爲曰公館注公館若今縣官舍也公所爲君所命使舍己者疏鮑遺問曰注此云公所爲君所命使舍己者注雜記云公所爲若今離宮別館也此二說異何張逸荅曰公館若今停待者也離宮是也聘禮曰卿館於大夫大夫館於士公命人使館客亦公所爲也按地官遺人云五十里有市市有候館候館有積此所謂公所爲若公館卽今之官署矣

文王世子云夢帝與我九齡釋文聆音零本或作齡按釋文本作聆今作齡者从或本也聆疑訛之假字說文云訛毀

齒也男八月生齒八歲而齠女七月生齒七歲而齠从齒
七聲後漢書閭后紀注引大戴禮云男八歲而齠女七歲
而齠故下文云古者謂年齠齒亦齠也齠聆聲近故假借
聆字爲之疏引皇氏云以九齡爲鈴鐸謂天以九箇鈴鐸
而與武王是又作鈴漢樊毅修華嶽碑云垂曜萬鈴是又
作鈴皆非本字至九經攷異云九齡石經作矜漢石經禮
記無攷且矜亦俗字未可信也

春官釋奠於其先師注若漢禮有高堂生樂有制氏詩有毛
公書有伏生億可以爲之也疏皆漢書儒林傳文億是發
語之聲釋文億本又作噫音抑按噫當爲抑之假借此句
與論語抑亦可以爲次矣正同抑噫同聲通用詩十月之

交云抑此皇父是借抑爲噫也論語云抑與之與漢石經作意與是借意爲抑也

公族其有死罪則磬于甸人注縣縊殺之曰磬疏磬謂磬盡也左傳云室如縣磬杜預云磬盡也皇氏云如縣樂器之磬也按說文云磬樂石也从石殼象縣形攴擊之殼籀文省曲禮云立則磬折垂佩以磬折狀立容左傳云室如縣磬以磬折狀室形凡縊殺者縣之亦如磬也疏依杜預云磬謂磬盡也未允皇氏之說得之

禮運云吾得夏時焉注得夏四時之書也其書存者有小正釋文有小正本或作有夏小正按夏小正今在大戴禮記中漢書藝文志云禮明堂陰陽三十三篇蓋周月令亦在

小戴禮記中蔡氏明堂月令論云戴禮夏小正傳曰陰陽
生物之候王事之次則夏之月令也據此所云則夏正宜
與明堂月令同在禮家矣隋書經籍志云夏小正一卷戴
德謨則當時固有專行之本鄭注月令引小正者凡八孔
疏夏小正大戴禮之篇名也蓋唐時所見者惟存大戴禮
中故舊新唐書藝文志俱不列其目

吾得坤乾焉注得殷陰陽之書也其書存者有歸藏疏先言
坤者熊氏云殷易以坤爲首故先坤後乾按春官大卜云
一曰連山二曰歸藏注名曰連山似山出內氣也歸藏者
萬物莫不歸而藏於其中杜子春云連山宓戲歸藏黃帝
賈疏殷以十二月爲正地統故以坤爲首夏以十三月爲

正人統人無爲卦首之理艮漸正月故以艮爲首也杜子春云連山宓戲歸藏黃帝者鄭志荅趙商云非無明文改之無據且從子春近師皆以爲夏殷也是鄭君此注蓋從近師但漢志不載歸藏隋書經籍志云歸藏十三篇

其燔黍捭豚注中古未有釜鬲釋米捭肉加于燒石之上而食之釋文捭注作擗又作擘皆同按今本注仍作捭後人改也說文云捭兩手擊也从手卑聲擘擣也从手辟聲內則云擘之濯手以摩之是擘爲正字擗爲變體捭爲假借注又作擘是也

夏則居橧巢注暑則聚薪柴居其上釋文橧本又作增又作曾同橧本又作巢按作曾者是也蓋曾爲層之省文說文

云層重屋也从尸曾聲史記司馬相如傳云坐入曾宮之
差義是層曾通用巢釋文本作櫟說文云櫟澤中守艸樓
从木巢聲孟子云上者爲巢作巢者亦省文也蓋本作曾
櫟後八移櫟字木旁加於曾字耳七經攷文云古本禮記
作櫟家語亦作櫟非

協於分藝注協合也言禮合於月之分猶人之才也釋文合
於月之分本或作日月之分日衍字按此釋文凡十五字
今注疏本誤入注中須正之

山出器車注器謂若銀甕丹甌也疏此銀甕丹甌援神契文
又引禮緯斗威儀云其政太平山車垂鉤注云山車自然
之車車鉤不揉治而自圓曲按鉤爲輶之假字垂輶言自

然成軀形也

鳳皇麒麟皆在郊輶注輶聚艸也釋文輶本或作藪按作藪者是也說文云藪大澤也从艸數聲周語云不崇藪韋注無水曰藪又云物之歸也

禮器云如竹箭之有筠也釋文筠鄭云竹之青皮也疏筠是竹外青皮顧命云敷重筍席鄭云筍析竹青皮也禮記曰如竹箭之有筠鄭引禮記之筠以爲青皮是知呼筍爲筠按釋木云筍竹萌說文云筍竹胎也筠卽筍之別字故鄭注書筍席卽引禮器此文爲證而禮器釋文及疏皆引鄭注顧命明此筠卽筍也旬均古亦通用詳詩疏記

大圭不琢注琢當爲篆字之誤也釋文琢字又作瑑文轉反

徐又依字丁角反按徐依字是也蓋經文本作琢鄭故破之若本作琢何以云字之誤乎當爲篆者卽琢之假字說文云琢圭璧上起兆琢也从王篆省聲春官典瑞云琢圭璋璧琮鄭注琢有圻鄂琢起列子黃帝篇云雕琢復朴漢書董仲舒傳云良玉不琢師古曰琢謂琢刻爲文也蓋卽大圭不琢意

不麾蚤注麾之言快也祭有時不以先之爲快也齊人謂所善曰麾釋文麾本又作麾齊人謂快爲麾按釋文文本作麾是也麾爲噲之假借說文云噲咽也从口會聲讀若快一切經音義引倉頡篇云噲此亦快字也詩斯干云噲噲其正箋云噲噲猶快快也淮南精神云噲然而臥高注謂

得安臥也噲摩一聲之轉

有擻而播也注擻之言芟也謂芟殺有所與也按說文云擻暫也文選注引倉頡篇云擻拍取也漢書揚雄傳云麾城擻邑注李奇曰擻音車轆之轆師古曰擻舉手擬之也是擻爲正字擻爲隸俗

周禮其猶醕與注合錢飲酒爲醕旅酬相酌似之也王居明堂之禮仲秋乃命國醕疏引王肅禮作遽云曾子以爲使六尸旅酬不三獻猶遽而略按說文云醕會飲酒也从酉虞聲醕或从巨史記貨殖傳云歲時無以祭祀進醕飲食集解徐廣曰會聚食是周禮之醕漢世猶然王肅妄改作遽訓爲遽略非也

晉人將有事於河必先有事於惡池注惡當爲呼聲之誤也
呼池嘔夷并州川按夏官職方云其川虜池注虜池出鹵
城趙策云趙攻中山以擅虜池漢書地理志云代郡鹵城
虜池河東至參合入虜池別過郡九行于三百四十里并
州川師古曰虜音呼是虜爲正字呼惡俱同聲假借詛楚
文又作亞馳俗作滹

溫之至也注皆爲溫藉重禮也疏皇氏云溫謂承藉凡玉以
物緼裏承藉君子亦以威儀擯相以自承藉今定本作溫
字又當云溫潤承藉按內則云柔色以溫之注溫藉也承
尊者必和顏色匡謬正俗云文當柔和顏色以溫說尊者
之心不當改讀爲溫此說非也詩小宛云飲酒溫克箋云

飲酒雖醉猶能溫藉以持以勝疏定本及箋作溫字舒瑗
云包裹曰蘊謂蘊藉自持含容之義經中作溫者蓋古字
通用

郊特牲云繡黼丹朱中衣注繡讀爲綃綃繒名也詩云素衣
朱綃按說文云綃生絲也从糸肖聲廣雅云綃謂之絹詩
揚之水云素衣朱繡箋云繡當爲綃士昏禮云姆纁笄宵
衣在其右注宵讀爲詩素衣朱綃之綃魯詩以綃爲綺屬
也是鄭箋詩注禮皆從魯詩作綃也

鄉人禡注禡強鬼也謂時儺索室毆疫逐強鬼也禡或爲獻
或爲儺按論語云鄉人儺釋文鄭曰儺魯讀爲獻今從古
是魯論作獻古論作儺鄭于論語從古作儺此不破字者

禮家相傳作禘也禘或爲獻或爲讎者獻讀若莎莎讎疊音莎禘聲近也

唯社止乘共粢盛注四止六十四井曰甸或謂之乘乘或爲鄰按釋名云甸乘也出兵車一乘也地官小司徒云四止爲甸注甸之言乘也讀如衷甸之甸稍人云止乘注止乘四邱爲甸甸讀與維禹黻之黻同是古者乘甸同聲也小爾雅云乘凌也凌鄰聲同故或爲鄰也

升首於室注制祭之後升牲首於北墉下尊首上氣也按夏官小子云掌珥于社稷注鄭司農云珥社稷以牲頭祭也疏漢時祈禱有牲頭祭羊人云祭祀割羊牲登其首注登升也升首報陽也升首于室疏祭祀之時三牲之首俱升

月令云祭先首然則今時祭祀用牲首蓋沿其制

祈之爲言倮也注倮猶索也倮或爲諒按說文云倮彊也从人京聲隸變爲亮釋詁云亮道也亮右也一切經音義引字詁云諒今作亮同力尙反釋詁云諒信也皋陶謨云亮采有邦史記集解引馬融曰亮信也是倮諒通用也

首也者直也注訓所以升首祭也直或爲植也疏直正也言首爲一體之正按植當作特廣雅云特獨也王制云天子植酌注植猶一也郊特牲目錄云用一牛故曰特牲舜典云歸格于藝祖用特疏引鄭云每歸用特牛告于文祖直特聲同

汁獻況于醢酒注謂沛卮鬯以醢酒也獻讀當爲莎齊語聲

之誤也。𣪠𣪠者中有煮鬱和以盞齊摩莎沛之出其香汁因謂之汁莎按春官司尊彝云獻酌注鄭司農云獻讀爲儀儀酌有威儀多也元謂獻讀爲摩莎之莎齊語聲之誤也。黃鬱和𣪠𣪠以醢酒摩莎沛之出其香汁也。蓋獻从犬虜聲虜从鬲𣪠聲𣪠沙聲同故齊語聲誤爲獻耳。明堂位云尊用犧象山罍注犧尊以沙羽爲畫飾象骨飾之疏引鄭志張逸問曰犧讀如沙沙鳳皇也不解鳳皇何以爲沙荅曰刻畫鳳皇之象於尊其形娑娑然或有作獻字者齊人之聲誤耳此云或有作獻字者蓋指周禮獻尊也

簡莊疏記卷九

簡莊疏記卷十

海寧陳臚譔

禮記

內則云左佩紛帨注紛帨拭物之佩巾也今齊人有言紛者
釋文紛或作帨同按方言云大巾謂之帨嵩嶽之南陳潁
之間謂之帨亦謂之幪郭注江東通呼巾帨耳說文云帨
楚謂大巾曰帨从巾分聲廣雅云帨巾也是帨爲正字帨
爲隸變紛爲假借鄭注齊人言紛說文楚謂大巾曰帨郭
注江東通呼巾帨各以當時方言釋之也

敦牟注牟讀曰盞也敦牟黍稷器也釋文牟齊人呼土釜爲
牟盞字又作盞疏引隱義曰盞土釜也今以木爲器象土

金之形按說文云鍔鍔屬从金攷聲急就篇云鍔鍔注鍔似釜而反脣一曰鍔者小釜類卽今所謂鍋也亦曰鍔鍔是鍔爲正字牟爲假借鍔字宋撫本岳本俱如此今本誤作鍔蓋因釋文而改其實釋文中鍔字卽鍔之誤又作鍔者亦誤也

舅姑若使介婦無敢敵耦于冢婦注雖有勤勞不敢掉磬疏庾氏云齊人謂之差計崔氏云北海人謂相激之事謂掉磬隱義云齊人謂相絞訐爲掉磬按釋文亦引隱義及崔說蓋各據方言今浙人謂之掉皮又說文云遑讀若掉若之掉蓋掉若卽掉磬之誤

飲重醴稻醴清糟黍醴清糟梁醴清糟或以醑爲醴黍醑漿

水醴注糟醇也醴梅漿釋文醴本又作臆按天官酒正云
辨四飲之物一曰清二曰醫三曰漿四曰醴注醫卽內則
所謂或以醴爲醴鄭司農說以內則曰飲重醴稻醴清酒
黍醴清酒梁醴清酒或以醴爲醴漿水臆后致飲于賓客
之醴有醫醴糟音聲與酒相似醫與臆亦相似文字不
同記之者各異耳此皆一物然則今內則酒作糟後人用
周禮改也酒疑作醫說文云糟酒滓也从米醫聲醫籀文
从酉鄭司農云與糟相似實一字也醴當從釋文別本作
臆醫是正字臆是假借字醴是俗字

濡魚卵醫實蓼注卵讀爲鯢鯢魚子或作摑也釋文摑音闕
本又作摑音門按說文云鰈魚也从魚眾聲李陽冰云當

从鬐省鬐卽昆弟之昆故隸變爲鯢釋魚云鯢魚子詩疏
引李巡云凡魚之子總名鯢也魯語云魚禁鯢魴韋注鯢
魚子也並當作鰈詩敝笱云其魚魴鰈箋云鰈魚子也至
說文卵字之下本有重文小見五經文字九經字樣而今
本闕焉卵古患反故絲从卩聲關从糸聲此注或作攔亦
當作關或又作捫乃攔之壞形也

芝栢釋文栢音而本又作櫛疏芝栢者庾蔚云無華葉而生
者曰芝栢盧氏云芝水芝也王肅云無華而實者名栢皆
芝屬也庾又云自牛脩至薑桂凡三十一物則芝栢應是
一物也今春夏生于水可用爲菹其有白者不堪食也賀
氏云栢軟棗亦云芝木槎也以芝栢爲二物鄭下注云三

十一物則數芝栴爲一物也賀氏說非也按栴當作莢芝莢自是一類說文云莢木耳也从艸莢聲一曰俞莊玉篇云莢木耳生枯木也列子湯問云朽壤之上有菌芝者生于朝死于晦簡文注欵生之芝蓋芝莢卽菌芝之類今人猶名木耳在處食之賀氏以栴爲軟棗似指釋木之栴栴然詩疏引舍人云江淮之間呼小栗爲栴栗非軟棗也作栴者假借釋文又作櫛俗字也

三牲用藪注藪煎茱萸也漢律會稽獻焉爾雅謂之檉疏賀氏云今蜀郡作之九月九日取茱萸折其枝連其實廣長四五寸一升實可和十升膏名之藪也按說文云藪煎茱萸从艸藪聲漢律會稽獻藪一斗本艸云吳茱萸一名藪

生山谷名醫曰生芻句九月九日采陰乾陶注云禮記名
藪而俗中呼爲藪子當是不識藪字似藪字仍以相傳釋
木云茱櫟醜茱郭注茱萸子聚生成房貌今江東亦呼茱
茱櫟似茱萸而小赤色廣雅云越椒茱萸也蓋茱萸一名
越株一名吳茱萸是產于會稽故獻焉今時重蜀椒謂之
川椒卽賀氏所謂蜀郡作之是也三牲用藪今人啖肉以
椒鹽相和猶其遺意

豕望視而交睫腥注望視視遠也腥當爲星聲之誤也星肉
中如米者按天官內饗云豕盲眊而交睫腥注交睫腥腥
當爲星聲之誤也肉有如米者似星杜子春云盲眊當爲
望視鄭注周禮破腥爲星與此正同子春破盲眊亦據此

文作望視盲望眊視音同說文云腥星見食豕令肉中生小息肉也从肉从星星亦聲蓋鄭君說腥爲雞膏交睫腥之腥易爲星許君說腥爲交睫腥之正字而以胜爲犬膏之臭當周禮腥臊之正字蓋所據不同也

麋鹿魚爲菹注殺腥肉及其氣今益州有鹿痿者近由此爲之矣釋文益州人取鹿殺而埋之地中令臭乃出食之名鹿痿是也按說文云痿病也从步委聲本艸云麋脂味辛溫一名官脂生山谷名醫曰生南山及淮海邊十月取是卽鹿痿之類

兔爲宛脾注宛脾聶而切之宛或作鬱按宛鬱一聲之轉詩小弁云宛彼柳斯苑柳云有苑者柳釋文竝云苑音鬱

漳母注母讀曰模模象也作此象漳熬釋文母依注音模疏以經云漳母母是禁辭非膳羞之體故讀爲模按母與無通說文云𦍋豐也或說規模字是與模亦通今注疏本俱作漳母則與疏不合惟十行本不誤因據正

取豚若將注將當爲𦍋𦍋牝羊也按釋獸云羊牝𦍋詩苕之華云𦍋羊墳首傳𦍋羊牝羊也說文云𦍋牝羊也从𦍋𦍋聲將𦍋俱从𦍋聲故通用今注疏本牝羊誤作牡羊宋本作牝羊說文今本亦作牡羊初學記引作牝羊因據正

咳而名之釋文孩字又作咳按說文云咳小兒笑也从口亥聲孩古文咳从子是釋文本作孩从古文孩咳實一字也老子云如嬰兒之未孩河上注如小兒未能答偶人時也

咳而名之者執其手誘之使笑以名之也孫詒穀侍御讀書勝錄續編論此條不引說文孩古文咳从子蓋偶未檢耳

旬而見注旬當爲均聲之誤也易說卦坤爲均今亦或作旬也按地官均人云公旬注旬均也讀如營營原隰之營易坤爲均今書亦有作旬者是旬讀爲均與此同也古文鈞字作𠂔說文徇字他書作徇筍字今作筠知旬勻通用

玉藻云天子搢珽注珽之言珽然無所屈也或謂之大圭長三尺杼上終葵首終葵首者於杼上又廣其首方如椎頭是謂無所屈後則恆直相玉書曰珽玉六寸明自照按考工玉人之事云大圭長三尺杼上終葵首注玉所搢大圭

也或謂之琕終葵椎也爲椎于其杵上明無所屈也杵殺也引相玉書與此同方言云椎齊謂之終葵說文云椎擊也齊人謂之終葵蓋終葵合聲卽椎也今人猶謂之椎頭引相玉書者漢書藝文志不載俟攷

一爵而言言斯注言言和敬貌斯猶耳也疏皇氏云讀言爲閭義亦通也按說文云閭和說而諍也从言門聲論語先進云閔子侍側閭閭如也正與言言斯合皇侃讀爲閭是也釋文引王肅本作二爵而言注云飲二爵可以語也又云言斯禮注云語必以禮也三爵而油注云悅敬貌無已及下油字也夫飲酒豈必待二爵而可以語且三爵而油亦屬費解當從鄭

縞冠素紕注紕緣邊也紕讀如埤益之埤按釋言云紕飾也
郭注謂緣飾說文云紕氏人樹也讀若禹貢玼珠从系此
聲是紕本氏屬之名又爲緣邊之飾讀如埤益讀若玼珠
皆擬其聲也

振絺綌不入公門注振讀爲衿衿禪也按說文云衿予服从
衣參聲振或从辰是衿振本一字故振讀爲衿也士冠禮
云兄畢衿予注衿同也予者予衣系裳也古文衿爲均也
左氏僖五年傳云均服振振疏引服虔曰均服黑服是衿
作均服說與許君合鄭注儀禮爲同以衿古文作均有均
同之義也論語鄉黨云當暑衿絺綌集解孔曰暑則單服
與鄭此注合

居士錦帶注居士謂道藝處士也按韓非 云齊有居士
任喬華不臣天子不友諸侯魏志管寧傳云胡居士賢者
也自釋典楞嚴以愛談名言清淨自居爲居士普門疏以
多積財貨居業豐厚爲居士而居士輕矣

端行頤霑如矢注頤或爲霑也疏頤霑者行旣疾身乃小折
而頭直俯臨前頤如屋霑之垂也按頤或爲霑說文無霑
字疑當作霑說文云霑雨兒也方語也从雨禹聲讀若瑀
頤霑聲相近

視容瞿瞿梅梅注不審視也疏瞿瞿驚懼之貌梅梅猶微微
謂微眛也按梅梅疑眛眛之假借說文云眛眛眛微視也
从日無聲漢書音義引字林云眛微視美目貌眛卽眛之

別字每無通詩周原膺膺亦作膺膺

明堂位云反坫出尊崇坫康圭注反坫反坫爵之坫也出尊
富尊南也崇高也康圭爲亢龍之亢又爲高坫亢所受圭
奠于上焉按爾雅釋器云坫謂之坫說文云坫屏牆也从
土占聲是坫者築土爲之今之市物必起短牆倚以交易
蓋卽崇坫遺意俗作店古今注云店置也所以置賣物
也晉書阮修傳云以百錢挂杖頭至酒店便獨酣暢朱讀
田賦云飛龍落藥店南史劉休傳云休婦王氏妒明帝聞
之令于宅後開小店使王氏親賣阜莢埽帚以辱之坫作
店者猶莊本屋名而流俗市人書作庄也康圭作亢圭今
人以物置之高閣曰藏亢本此

垂之和鐘叔之離磬注叔未聞也和離謂次序其聲縣也世本作曰垂作鐘無句作磬疏世本作曰者世本書名有作篇其篇記諸作事云無句作磬者皇氏云無句叔之別名義或然也按鐘鼎款識載周鐘文云倫鐘磬有編磬故云次序其聲縣也漢書藝文志云世本十五篇古史官記黃帝以來訖春秋時諸侯大夫說文云古者卅句氏作磬蓋亦本之世本也

夏后氏以楬豆注楬無異物之飾也齊人謂無髮爲禿楬按考工梓人云願脰注故書願或作脰鄭司農云脰讀如頭無髮之禿說文云𦘔禿髮从髟𦘔聲是𦘔爲正字脰楬俱爲聲近假借字

喪服小記云父說喪已則否注說讀如無禮則說之說說喪者喪與服不相當之言釋文說皇他活反徐他外反注及下同按左氏僖三十三年傳云輕則寡謀無禮則脫杜注脫易也此注引無禮則說者說脫本通用鄭所據本左傳作說故不破其字而擬其讀也今注疏本俱誤作稅釋文本作說因據正

大傳云省於其君注省善也善于其君謂免於大難也按釋詁云省善也郭注省未詳其義詩皇矣云帝省其山箋云省善也郭注未詳其義禮記孔疏亦不言省善釋詁文失之

詩云不顯不承無斁於人斯此之謂也注言文王之德不顯

乎不承成先人之業乎言其顯且承之人樂之無厭也按詩清廟箋云周公祭清廟是不光明文王之德與言其光明之也是不承順文王志意與言其承順之也是箋詩與注禮不同坊記疏引鄭志荅吳模云禹記注時就肅荅先師亦然後乃得毛公傳既古書義又且然記注已行不復改之

少儀云執箕膺搗注搗舌也持箕將去糞者以箕自鄉釋文搗徐首葉按管子弟子蟻亦有此文說文云搗刮也从手葛聲士冠禮云面葉注古文葉爲搗

守犬田犬則授擯者既受乃問犬名注名謂若韓盧宋鵠之屬疏戰國策云韓子盧者天下之壯犬也桓譚新論云夫

畜生賤也然其尤善者皆見記識故犬道韓盧宋狔又魏
文帝說諸方物亦云狗於古則韓盧宋鵠則狔鵠音同字
異耳按詩盧令傳云盧田犬也秦策云譬若馳韓盧而逐
蹇兔也說文云獬犬獬不附人也从犬舛聲蓋舛鵠本一
字故作鵠孔叢執節云申叔問曰犬馬之名皆因其形色
而名焉唯韓盧宋鵠獨否何也子虞對曰盧黑色鵠白黑
色孔叢雖僞書此必有所本也又廣雅云韓獬宋狔初學
記引字林云獬韓良犬也狔宋良犬也獬狔皆俗字

加夫褱與劒焉注夫褱劒衣也加劒於衣上夫或爲煩皆發
聲疏云夫褱劒衣也者熊氏云依廣雅夫褱木劒衣謂以
木爲劒衣者若今刀槌云夫或爲煩皆發聲者以禮記本

夫字或作煩字俱是發聲然則橈之一字是劒衣之正名
橈字從衣當以緇帛爲之熊氏用廣雅以木爲之其義未
善也按廣雅云夫橈木劒衣也夫舊本作袂曹憲音扶木
舊本作袂曹憲音陳律反返王給事作疏證據熊安生說
更正但橈爲俗字疑作褭呂覽離云飛兔要褭古之駿馬
也高注褭字讀如曲橈之橈淮南原道云馳要褭高注褭
讀如橈弱之橈蓋褭本帶馬組借爲劒衣亦有作橈者轉
誤爲橈也夫煩一聲之轉故夫或爲煩皆發聲也

學記術有序注術當爲遂聲之誤也周禮萬二千五百家爲
遂廛按說文術邑中道也是術爲本字遂爲假字水經注
引學記作遂有序及周禮遂人皆用假字又月令云審端

經術注術周禮作遂月令用本字也古人有名術字乞者則假術爲遂蓋取求而得遂也左氏文二年經云秦伯使術來聘公羊傳及漢書五行志皆作遂陳氏禮記集說改術有序爲州有序不知管子度地篇云百家爲里里十爲術術十爲州則相去不亦遠乎

學記云蛾子時術之注蛾蚍蜉也釋文蛾魚起反注同本或作蟻按釋蟲云蜚羅郭注蠶蜚又云蚍蜉大蜚郭注俗呼爲馬蚍蜉說文云蛾羅也从虫我聲鉉曰爾雅蛾羅蠶蛾也蝨部已有蝨或作蜚此重出鱣謂說文每部編字悉以類蛾字在蠶蜚之間疑蛾羅卽是蚍蜉學記本作蟻故鄭訓爲蚍蜉可知說文原本作蟻字今本說文與爾雅皆作

蛾羅者誤郭注爾雅以蛾羅爲蠶蛾非蠶蛾字作蠶或作
螫已見𧈧部益可信矣徐校說文亦謬惠徵君曰改漢說
文从晉爾雅宋人之不好古如此

發然後禁則扞格而不孫注格讀如凍洛之洛扞堅不可入
之貌釋文凍洛二字並从之或从水旁非疏今人謂地堅
爲洛也鱷按洛當作塔說文塔水乾也一曰堅也从土各
聲楚詞九思云冰凍洛澤注洛竭也寒而水澤竭成水亦
當作塔

樂記云合情飾貌者禮樂之事也注欲其並行斌斌然釋文
斌本又作彬按作彬者是也說文云份文質備也从人分
聲論語曰文質份份彬古文份从彡林林者从焚省聲今

論語雍也篇云文質彬彬集解包曰彬彬文質相半之貌
後漢書注引鄭曰彬彬雜半貌也俱从古文作彬斌乃六
朝間俗字非所施于經注也

卯生者不殂注殂裂也今齊人語有殂者釋文殂呼闌反范
音溢徐音況逼反一音況狄反卯折不成曰殂按殂疑作
殂說文云殂胎敗也从少盍聲廣雅云殂病也一切經音
義引聲類云殂鳥殂欲死也玉篇云殂鳥沒切蓋殂卽殂
之剝文耳

雜記云大夫訃於同國適者注適讀爲匹敵之敵謂爵同者
也按論語入佾篇云無適也釋文適鄭本作敵荀子君子
篇云四海之內無客禮告無適也楊注適讀爲敵史記范

睢傳云政適伐國田單傳云適人開戶李斯傳云羣臣百官皆畔不適徐廣俱音敵是通作敵也

使某實注實當爲至此讀周秦之人聲之誤也按詩韓奕云實埔實壑箋云實當作寔趙魏之東實寔同聲寔是也蓋是與至音同故至又轉作實也又說文云植或作檀詩那云置我鞞鼓釋文鄭作植論語云植其杖而芸漢石經作置其杖植置實至並通用也

喪大記云食於簋者盥注簋竹筥也簋或作簠釋文簋本又作匱又作算按說文云匱淥米斂也从匚算聲士冠禮云各一匱注匱竹器名古文匱爲簠蓋此記本從古文作簠又誤作爲簠耳或作簠聲近假借又作算乃匱之省

實于緣中注緣當爲角聲之誤也角中謂棺內四隅也此緣或爲簠按角緣聲相同漢角里先生又角觶獸俱讀若緣故云聲誤也緣或爲簠者說文云簠竹籠也从竹婁聲簠緣一聲之轉

祭法云幽宗祭星也雩宗祭水旱也注宗皆當爲禋字之誤也禋之言營也釋文幽宗雩宗王如字按說文云禋設縣絕爲營曰禋風雨霽霜水旱厲疫于日月星辰山川也从示禋省聲一曰禋衛使災不生春官大祝云六祈四曰禋注禋告之以時有災變也禋如日食以朱絲營社蓋禋營聲同王肅讀如字非也

曰司命注此非大神所祈報大事者也小神居人之間司察

小過作譴告者爾疏司命者宮中小神熊氏云非天之司
命故祭于宮中皇氏云司命者文昌宮星其義非也按史
記封禪書云晉巫祠五帝東君雲中司命之屬荆巫祠堂
下巫先司命施糜之屬以歲時祀宮中說文云祗呂豚祠
司命漢律曰祗祠司命風俗通義祀典篇云今民間獨祀
司命刻木長二尺爲人像行者僮僮中居者別作小屋齊
地大尊重之汝南餘郡亦多有皆祠曰腊率以春秋之月
蓋周禮大宗伯祀司命卽楚詞九歌之大司命漢時晉巫
所祠者祭法立祀之司命卽九歌之小司命漢荆巫所祠
者鄭注及說文風俗通義與熊氏說皆指小司命也

祭義云殷人祭其陽注陽讀爲日兩日暘之暘謂日中時也

疏暘謂亢暘乾燥日中之時必讀之者恐人以夜爲陰書
爲陽恐終日而祭故讀從暘也按說文云暘日出也从日
易聲與鄭注日中時不同蓋許君所指乃暘谷之暘也
而弟達乎獫狁矣注春獵爲蒐冬獵爲狩釋文獫本亦作廋
音蒐按釋天云春獵爲蒐郭注搜索取不任者左氏隱五
年傳云春蒐管子小匡云春以田曰蒐蒐通作搜周語云
搜于農隙韋注春田曰搜此作獫者恐搜之誤因下狩字
作犬旁也或作廋者又假借字也

祭統云舞蒐重于武宿夜注武宿夜武曲名也疏引皇氏云
師說書傳云武王伐紂至于商郊停止宿夜士卒皆歡樂
歌舞以待旦因名焉武宿夜其樂也熊氏云此卽大武

之樂也按燕禮云下管新宮注小雅逸篇左傳宋公賦新宮此其類也武宿夜者蓋其篇首有宿夜如敬之云宿夜敬止因以名焉

經解云易曰君子慎始差若豪釐繆以千里釋文豪依字作毫釐本又作釐疏此易繫辭文也按豪釐爲正字毫爲俗字釐爲假借今易繫辭傳無此文蓋易緯之文也

哀公問云午其眾注午其眾逆其俗類也釋文午王肅作迂迂違也疏午忤也忤違逆也按說文云悟芽也从午吾聲一切經音義引聲類云迂逆不遇也家語問禮云以忤其眾蓋悟爲正字午爲假借迂忤俱俗字呂氏春秋明理云亂世之民長短頡頏許百疾高注悟逆也此用正字荀子富

國云午其眾楊注午讀爲迂遇也與此同用假借

寡人憊愚冥煩子志之心也注志讀爲識識知也冥煩者言不能明理此事子之心所知也疏引皇氏云子志夫子之志志是知也言我之心冥煩不能明理此事子心所知也按家語大婚解云寡人且愚冥幸煩子之於心王肅注欲煩孔子議識其心所能行也是以冥屬上句而以幸煩下屬與此爲異

仲尼燕居云夫夔達於樂而不達於禮是以傳於此名也注夔達於樂傳世名此賢人也疏皇氏以達爲掌言夔掌樂不掌禮按達訓爲掌卽書典禮典樂意但與上文不合

孔子閒居云夙夜其命宥密注詩讀其爲基聲之誤也基謀

也按詩昊天有成命釋文其音基本亦作基始也書立政云以並受此丕丕基漢石經作不不其漢書地理志云琅瑯郡不其如淳曰其音基是其基同聲通用故讀其爲基也基謀釋詁文此與詩傳訓始不同

至于湯齊注詩讀湯齊爲湯躋躋升也按釋詁云躋陞也公羊文二年傳云躋者何升也詩長發云至于湯齊傳至湯與天心齊下云聖敬日躋傳躋升也此讀湯齊爲湯躋下作日齊注齊莊也與詩不同

坊記釋文坊音防徐扶訪反經文皆同疏引鄭目錄云名曰坊記者以其記六藝之義所以坊人之失者也按說文云防隄也从阜方聲陞或从土今作坊者隸俗字也地官稻

入云以防止水經解云猶坊止水是防爲正字

貴不嫌於上注嫌恨不滿之貌也嫌或爲嫌按易文言傳云爲其嫌於无陽也集解九家曰陰陽合居故曰嫌釋文嫌鄭作謙詩采薇疏引鄭注謙讀如羣公嫌之嫌古書篆作立心與水相近讀者失之故作謙謙雜也是嫌嫌通用

中庸云素隱行怪注素讀爲攻城攻其所係之係係猶鄉也言方鄉辟害隱身而行佞譎釋文係音素鄉本又作嚮按司馬法云攻城者攻其所素素疑遡之假借字說文云瀝向也遡或从辵朔詩桑柔云如彼遡風毛傳遡向也此讀爲攻其所素擬其音耳後人以讀爲某者必易字故加人旁也下章君子素其位而行注係皆讀爲素亦同錢詹事

日中係素兩字當互易

故栽者培之注栽讀如文王初載之載栽猶殖也今時名草木之殖曰栽築牆立版亦曰栽栽或爲茲釋文初載之載並音災本以作哉同按栽讀如初載之載者栽載同聲通用後引詩云上天之載注載讀曰栽謂生物也說文云栽築牆長版也从木戈聲春秋傳曰楚圍蔡里而栽蓋栽本築牆設版之名故艸木之殖亦曰栽栽或爲茲栽茲聲同之誤

壹戎衣而有天下注戎兵也衣讀如殷聲之誤也齊人言殷聲如衣虞夏商周氏者多矣今姓有衣者殷之冑與壹戎殷者一用兵伐殷也按書康誥云殪戎殷誕受厥命是書

有戎殷之語故鄭讀從之殷字从𠂔說之云𠂔歸也从反身金滕云我先王亦永有依歸𠂔歸卽依歸知古殷衣聲同也

人道敏政地道敏樹注敏猶勉也敏或爲謀按釋詁云𠂔沒勉也郭注面沒猶𠂔𠂔𠂔𠂔聲同舜典云維時懋哉史記作維是勉哉懋謀聲亦同也

表記云衣服以移之注移讀如禾汜移之移移猶廣大也按說文云移禾相倚移也一曰禾名故相倚則移也是倚移猶汜移也一曰禾名疑禾多之誤言禾多故相倚則移與此注廣大之訓亦合列子黃帝篇云吾與子虛而倚移是也

緇豆云口費而煩注費猶惠也費或爲悖或爲悖按說文云
諄亂也从言孃聲悖或从心忒忒籀文从二或此或爲悖
者當作諄費从弗聲諄从孃聲弗字通用詩載沸檻泉史
記司馬相如傳作濯淳說文又云燁燁火兒故費或作諄
或作悖也

奔喪云奔喪之禮釋文器此正字也說文云從哭亾亾亦聲
也按說文云器亾也从哭从亾會意亾亦聲急就篇云器
弔悲哀面目腫注器謂遭器持器也於字哭亾爲器是作
喪者隸之變也

問喪云雞斯注雞斯當爲笄纓之誤也親始死去冠二日
乃去笄纓括髮也今時始喪者邪巾緇頭笄纓之存象也

按續漢輿服志云古者有冠無幘秦雄諸侯乃加其武將首飾爲絳帟其後稍稍作顏題漢興續其顏卻揲之施巾連題卻覆之今喪幘是其制也此云貂頭爲幘頭之假字幘一幅巾也俗作帟

梁衣云續衽鉤邊要縫半下注續猶屬也衽在裳旁者也屬連之不殊裳前後也鉤讀如鳥喙必鉤之鉤鉤邊若今曲裾也續或爲裕要或爲優按鳥喙必鉤者疏引孝經援神契云象鼻必卷鳥喙必鉤鄭據此讀之也續或爲裕裕衣物饒也今太原人讀續如序與裕聲近也要優亦聲近

裕之高下注裕衣袂當掖之縫也釋文裕本亦作脰音各腋也按作脰者是也說文云脰衣下也从囟各聲廣雅云脰

謂之腋一切經音義引裨倉云肘後曰腋然則裕爲別字
今人謂腋下爲肋脇支

投壺云某有枉矢哨壺注枉哨不正貌爲謙辭釋文引王肅
云枉不直哨不正也按說文云哨口不容也从口肖聲廣
雅云哨𦵏也考工梓人云大甸燿後注燿讀爲哨頃小也
馬融廣成頌作大甸哨後蓋哨爲不正亦爲不容故云頃
小也

儒行云驚蟲攫搏注驚蟲猛鳥猛獸也字從鳥驚省聲也疏
獸擊從執下著手鳥驚從執下著鳥今一驚包兩義以獸
驚從鳥故云省也執下著鳥執下著手俱是驚聲故云聲
也按說文云驚擊殺鳥也从鳥執聲注中從鳥驚當作鳥

執省字行疏說殊謬

大學云此之謂自謙注謙讀爲慊慊之言厭也疏慊然安靜之貌心雖好惡而口不言應自然安靜也按說文云謙敬也从言兼聲慊疑也从心兼聲噤口有所銜也从口兼聲易謙卦釋文云謙子夏傳作噤云謙也荀子榮辱云臭之而無噤于味楊注噤與慊同是謙噤慊三字本通用此讀爲慊當作口有所銜解故云慊之言厭疏亦以爲口不言非作慊疑解也

見君子而后厭然注厭讀爲厭閉藏貌也疏厭爲黑色知爲閉藏貌也按荀子疆國云如牆厭之楊注厭讀爲壓此讀爲厭者廣雅云厭黑也厭壓俱从厭聲故通用

瑟兮僩兮者恂栗也注恂字或作峻讀如嚴峻之峻言其容貌嚴栗也按恂峻聲相近說文云峻高也从山陵聲峻或省中庸云峻極於天注峻高大也詩閟宮云泰山巖巖故云嚴峻

舉而不能先命也注命讀爲慢聲之誤也舉賢而不能使君以先已是輕慢於舉人也按命慢一聲之轉釋名云慢慢也慢慢心無所限忌也說文云慢慢也从心曼聲易文言傳云賢人在下位而无輔是以動而有悔也此卽慢賢之意

鄉飲酒義云秋之爲言愁也愁之以時察注愁讀爲擎歛也察猶察察嚴殺之貌也察或爲殺按釋詁云擎聚也漢書

律歷志云秋韃物韃斂乃成孰摯卽韃之重文察殺聲同射義云君子無所爭必也射乎揖讓而升下而飲注必也射乎言君子至于射則有爭也下降也飲射爵者亦揖讓而升降勝者袒角決遂執張弓不勝者襲說決拾卻左手右加弛弓於其上而升飲君子恥之是以射者爭中釋文揖讓而升下絕句而飲一句按論語八佾篇與此文同集解孔曰言於射而後有爭也王曰射於升堂及下皆揖讓而相飲也釋文爭絕句鄭讀以必也絕句又云揖讓而升下絕句鄭注詩賓之初筵則云下而飲皇疏就王注意則云揖讓而升下也若餘人讀則云揖讓而升升屬上句下而飲下屬下句然此讀不及王意也今考射義注亦從舊說

以必也射乎連讀與注論語不同以升下絕句不以下而飲連讀與注詩不同

聘義云君子貴玉而賤珉者何也注珉石似玉或作玟也釋文珉字亦作璫按說文云珉石之美者从王民聲是珉爲正字璫璫俱別字玟作玟假借字

孚尹旁達注孚讀爲浮尹讀如竹箭之筠浮筠謂玉采色也孚或作笏或爲扶釋文孚依注音浮尹依注音笏又作筠于貧反按釋文本注尹讀如竹箭之筍浮筍謂玉采色今注疏本作筠蓋依誤本也笏扶俱聲之誤